

蘭州紀畧

賈方通題

欽定蘭州紀畧卷三

壬子。勒爾謹仁和奏言。逆回蘇四十三等由河
州山僻小路。潛至省城。在附郭一帶放火搶奪。
因城內官弁兵民。防守嚴密。是以城垣並未傷
損。三月二十九日晚。勒爾謹等帶兵到省。駐札
城外。逆回等先已退佔離省數里之山梁。臣等
與署副都統額爾恒額。總兵圖欽保。德寧按察

使福崧公同籌酌。隨於城郭關廂左近。添派官

兵。嚴加防範。隨於三十日。派遊擊祥保。帶領綠

營兵五百名。土兵七百名。臣等督率前往。由東

山梁後繞道擒剿。逆匪率衆來迎。自辰至未。殺

賊三十餘名。是晚逆匪亦未敢潛來窺探。但其

所佔山梁。形勢甚爲險峻。且蘭州跬步皆山。設

一經逃竄。轉致苟延殘喘。必須分派官兵。四面

圍擒庶不致一名漏網。計所調各路官兵。於三四日內可以齊集。惟有悉心籌酌。以期一鼓直擒。不使稍稍顯戮。

同日。和珅奏言。

臣

昨於山西平定州途次接奉

諭旨。速赴甘省督辦一切。伏思甘省距

臣

刻下行程

尙有二千六百餘里。雖晝夜遄行。實非一時遽能趕到。彼處近日情形未知何似。心中倍切焦

急。此時西安旗營各鎮及甘省附近各提鎮官
兵。定當雲集。第一時未有統屬之人。恐諸鎮將
爭先倖進。賊匪烏合之衆。或致他竄。未免別生
事端。卽或散歸巢穴。將來追尋首夥各犯。亦恐
潛行藏匿。轉得倖逃法網。無以儆克逆而靖邊
陲。臣又一時未能卽至。昨蒙寄到

諭旨。令伍彌泰先行調度督辦。臣不揣冒昧。已將愚

見所及。飛檄該將軍等。令其卽速籌辦。不致坐失事機。卽將來臣抵甘後。亦可不虞棘手。臣拜摺後。仍星馳兼程前進。均奏入。

上命軍機大臣傳諭阿桂和珅勒爾謹。仁和曰。此時賊匪旣經佔據山梁。必當厚集兵力。同時併進。迅就殲擒。方爲妥善。勒爾謹等所稱三四日內各路調兵到齊會剿。自應如此辦理。所有伍彌泰馬彪

帶往之西安滿漢官兵。此時諒亦全到。如已能將
逆賊勦洗淨盡。固屬甚善。否則將留駐西安聽調
之京兵一千五百名。徑令直抵甘肅。會同圍勦。則
聲勢更大。尤可一鼓成擒。再本日和珩奏到。途次
檄令伍彌泰等。先行籌辦一摺。目今光景。辦理似
爲較易。但和珩此時。仍須迅速前往。會同辦理。卽
何桂亦仍著前往督辦。不必卽回京。畢沅在西安。

得信較近。京兵到陝時。如甘省尚未蕝事。卽令速往。再現在所獲人犯。及陸續擒獲者。應嚴密押解省城。監禁審訊。俟阿桂和珅到彼覆審後。將首夥要犯。嚴加鎖鑰。派委乾清門巴圖魯侍衛等押赴熱河。照從前拏獲王倫案內逆犯辦理。俾衆共知儆戒。至馬明心一犯。據王廷贊奏稱。本係安定回民。則此案中必有民人中素常爲匪者。爲之主謀。

煽惑。並著阿桂和珅勒爾謹等。確實嚴查覆奏。

同日陝西布政使尚安奏言。提督馬彪等各挑
西安滿漢官兵共二千六百名。分爲六起。於二
十五二十七二十九等日。先後起程前往會剿。

臣隨稟明撫臣。自西安馳赴陝甘交界之長武
縣地方。督飭各州縣。將應行借支車馬等項。妥
協備辦。俾官兵得迅速馳往。復思涇州爲入甘

首站復由長武馳至涇州。據該州稟稱。現在庫
貯銀數無幾。辦理拮据。臣隨查該處現有截留
直隸解甘餉銀十五萬兩。因事關急需。卽令該
州於此項銀內。借支一萬兩。酌量應用。據實報
銷。一面詳明督撫。臣備案。臣卽仍回長武。茲於
四月初三日。陝省滿漢官兵。俱已全數安速過
境。奏入。

上諭內閣曰。前因甘省急需幹員辦事。已傳諭尙安。令其馳往該處幫同料理。今伊於未奉諭旨之前。卽先起程前往。正與朕前旨相合。且一切經理妥協。甚屬可嘉。尙安著交部議敘。

同日。

上又諭內閣曰。此次派出官員兵丁等賞項。諒多已製備行裝。若一時令其繳還。恐伊等力有不能。所

有未經起程之官員兵丁著照部議分作兩年扣還。其已經起程續奉撤回者著加恩賞給一半以示體卹。

癸丑。西安提督馬彪奏言。臣挑選本標官兵一

千名。並派委員弁飭令迅速赴蘭。臣卽于三月

二十五日。先行起程。途次接布政使王廷贊來

札。逆回現在攻打蘭城。臣晝夜趲行。四月初二

日已抵蘭州省城。現在勦捕事宜。與督臣勒爾

謹提臣仁和等。公同商酌。四路追勦擒拏。

同日。陝西延綏鎮總兵周鼎奏言。臣接准陝西

巡撫畢沅來文。令延綏鎮挑選精兵一千名前

赴督臣勒爾謹軍營。聽候調度。臣卽刻挑兵一

千。選派領兵官弁。臣親爲統領。星夜直往蘭州。

又准畢沅來文。復令再派官兵一千名。前往平

涼鞏昌堵截策應。

臣

復卽挑兵一千。派副將觀

音保統領。星飛前往。

臣

先帶領前派官兵一千

名。於四月初一日。自榆林兼程迅往。會同剿捕

均奏入。

上命軍機大臣傳諭阿桂和珅。勒爾謹曰。馬彪奏初

二日已馳抵蘭州。現在公同商酌追剿等語。此時

各路所調兵丁。諒已陸續到齊。自應遵照歷次所

降諭旨。妥協籌辦。至前此因未見勒爾謹奏報。恐有阻隔。而和坤又未能刻卽到彼。是以傳諭伍彌泰。令其籌辦一切。原因彼時無人料理起見。今勒爾謹旣到蘭州。而和坤又僭程前進。所有調度官兵。及軍需糧餉各事宜。自應仍令勒爾謹經理。一俟阿桂和坤到彼。卽會同商辦。伍彌泰仍止專司領兵剿賊。俾事權歸一。辦理方有章程。再蘭州城

外關廂。曾被賊焚燒。河州亦曾被賊佔擾。該處居民。自不免爲所蹂躪。不可不加意撫卹。著傳諭阿桂。和珅。卽會同勒爾謹。將實在情形若何。應如何優卹之處。詳悉查明具奏。候朕加恩。至勒爾謹。仁和所奏賊人佔據山梁。其情形總未明晰。逆匪數千人據守山上。何從得有口食。敢爲此盤據苟延之計。勒爾謹等摺內。亦並未聲說。著將近日賊人

逃竄在山。如何情景。再行詳查。據實覆奏。又本日
總兵周鼎奏言。領官兵一千名。初一日兼程前往
會同剿捕。該鎮既係奉調前往。自應在彼協同剿
賊。聽候和珅等調遣。一俟剿洗事畢。卽同各路鎮
將等。撤回本任。

甲寅。畢沅奏言。

臣

於本月初六日。接提臣馬彪

來札。知初二日已抵蘭州。逆回現據龍尾山華